



ՀԵԼՍԻՆԿՅԱՆ ՔԱՂԱՔԱՑԻԱԿԱՆ ԱՍՍՍԲԼԵԱՅԻ
ՎԱՆԱԶՈՐԻ ԳՐԱՍԵՆՅԱԿ
HELSINKI CITIZENS' ASSEMBLY
VANADZOR OFFICE

2001 Հայաստանի Հանրապետություն,
Վանաձոր Տիգրան Մեծի պողոտա 59
59 Tigran Metsi st.
Vanadzor, 2001, Republic of Armenia
Tel. (հեռ.) (374 322) 4 22 68
Fax (ֆաքս) (374 322) 4 12 36
E-mail: hcav@hcav.am

Ե/2013- 09.12/ 689
09.12.2013 թ.

ՀՀ հատուկ քննչական ծառայության պետ
Վ. Շահինյանին

ԴԻՄՈՒՄ

(կազմակերպության հաղորդման հիման վրա ՀՀ քրեական դատավարության օրենսգրքի իմաստով որոշում կայացնելու պահանջի մասին)

2013թ. հոկտեմբերի 18-ին կազմակերպության կողմից հանցագործության մասին հաղորդում է ուղարկվել ՀՀ հատուկ քննչական ծառայություն և ՀՀ գլխավոր դատախազություն՝ Շ. Հարությունյանի և նրա անչափահաս որդու նկատմամբ հոգեբանական և ֆիզիկական բռնություններ գործադրելու վերաբերյալ:

2013թ. հոկտեմբերի 25-ին ՀՀ հատուկ քննչական ծառայության կողմից ստացվել է պատասխան գրություն, որով հայտնել էք, որ հանցագործության մասին հաղորդում ներկայացրել է նաև ՀՀ ԱԺ պատգամավոր Նիկոլ Փաշինյանը, որի շուրջ կայացվել է քրեական գործի հարուցումը մերժելու մասին որոշում:

Այսինքն, ՀՀ հատուկ քննչական ծառայության կողմից հանցագործության մասին հաղորդմանը պատասխանվել է գրությամբ, ոչ թե որոշմամբ:

ՀՀ քրեական դատավարության օրենսգրքի 181-րդ հոդվածի համաձայն՝ հանցագործության մասին տեղեկություն ստանալու յուրաքանչյուր դեպքում ընդունվում է հետևյալ որոշումներից մեկը՝

1. քրեական գործ հարուցելու մասին
2. քրեական գործի հարուցումը մերժելու մասին
3. հաղորդումն ըստ ենթակայության հանձնելու մասին:

Մինչդեռ, ՀՀ հատուկ քննչական ծառայությունը գրությամբ հայտնել է, որ կազմակերպության դիմումը, որպես հանցագործության մասին հաղորդում ընդունելու հիմքերը բացակայում են, որով թույլ է տրվել ՀՀ քրեական դատավարության օրենսգրքի 181-րդ հոդվածի պահանջի խախտում:

ՀՀ քրեական դատավարության օրենսգրքի 182-րդ հոդվածի 1-ին մասի համաձայն՝ «Քրեական գործ հարուցելու առիթի և հիմքերի առկայության դեպքում դատախազը, ըննիչը, հետաքննության մարմինը որոշում են կայացնում քրեական գործ հարուցելու մասին»: Սույն հոդվածի 4-րդ կետի համաձայն՝ «քրեական գործ հարուցելու մասին որոշման պատճենն

ուղարկվում է հանցագործության մասին հաղորդած ֆիզիկական կամ իրավաբանական անձին»:

ՀՀ քրեական դատավարության օրենսգիրքը կարգավորում է նաև հաղորդման վերաբերյալ որոշում կայացնելու և տեղեկատվության տրամադրման կարգն այն դեպքում, երբ մերժվում է քրեական գործի հարուցումը:

ՀՀ քրեական դատավարության օրենսգրքի 185 հոդվածի 1-ին մասի համաձայն՝ «Քրեական գործ հարուցելու առիթն անօրինական լինելու կամ հիմքերի բացակայության դեպքում դատախազը, քննիչը, հետաքննության մարմինը որոշում են կայացնում քրեական գործ հարուցելը մերժելու մասին»:

Սույն հոդվածի 2-րդ մասը սահմանում է, որ «Քրեական գործի հարուցումը մերժելու մասին որոշման պատճենն անհապաղ ուղարկվում է հանցագործության մասին հաղորդած ֆիզիկական կամ իրավաբանական անձին»:

Վերը շարադրվածից բխում է, որ թե՛ քրեական գործ հարուցելու, և թե՛ քրեական գործի հարուցումը մերժելու դեպքում օրենսդիրը պարտադիր է համարել դատախազի, քննիչի, հետաքննության մարմնի կողմից համապատասխան որոշման կայացումը և դրա պատճենը հաղորդում ներկայացրած ֆիզիկական կամ իրավաբանական անձին տրամադրելը:

Այդպիսով, համապատասխան որոշում չկայացնելով և որոշման օրինակը հանցագործության մասին հաղորդած անձիս չտրամադրելով, խախտվում է որոշման հետ համաձայն չլինելու դեպքում այն բողոքարկելու՝ օրենսդրությամբ ամրագրված իրավունքը:

Ելնելով վերոգրյալից և ղեկավարվելով ՀՀ քրեական դատավարության օրենսգրքի 181-րդ հոդվածի դրույթներով դիմում եմ Ձեզ, կազմակերպության հանցագործության մասին հաղորդման հիման վրա որոշում կայացնելու և այն սահմանված կարգով դիմումատուիս ուղարկելու խնդրով:

Հարգանքով
կազմակերպության նախագահ՝

Կատարող՝ Ա. Չատինյան
achatinyan@hcav.am



Արթուր Սաբունց